

Transkription von Stadtbucheintrag KOL 1398a

Ort, Datierung: Kolberg, 1398-??-??

Signatur: Landesarchiv Greifswald, Rep. 38, Hs Kolberg 1, 90v/91r

Inhalt: Gebrüder Platen: Nachlassvereinbarung

Wý bekennen dat tale platen . hinryk . hermen . albertus . merten . vn(de) jacob(us) bru=/de(re) ghe
heten platen . hebben ghe dan erschichtinghe aldus ere müder tale vorbe(nome)t / ere müder nympt
tú voren vt den acker den see van rasslaue koften vn(de) van her / hinryk scrippowen den kyzow nú
buwet . vn(de) alle inghedomet . vn(de) tafelsmyde eres / huzes . dat schal see ere leuedaghe bruken .
mýt der rente van deme ackere vorbe(nome)t / It(em) so schal ere müder ok hebben ere andel . It(em)
dat hús by deme m(a)r(k)ede is tu ghe / vallen talen erer müder . hermen albrechte merten vn(de)
jacobe jewelkes andel / allyke vele . men ere müder schal dat hus bewonen . vn(de) niemand see
vttukope(n)de / edder dar vttwettende bý ereme leuende It(em) dat hús bý deme monnyke dore bý /
gornýne horet ok den vorg(e)screue(n) býnen . jewelykes andel . allyke ghút . It(em) den hoff / de see
koften . van henneke m(a)r(q)u(a)rdes zone myt deme ackere de dar tu horet / is ok tu ghe vallen . erer
müder . herme(n) albrerto merten vn(de) jacobe enes je=/welken deel allyke vele . It(em) . iij . panstede
. de halue lýcht afghenerzyd an deme / sacke mýt lubbrecht glazenappe in deme koten . de id tughe
vallen erer müder / It(em) de halue stede dese lýcht affghenerzyd . myt hintze romere . Deme koten is
/ tu gheuallen alb(er)to . de ande(re) halue stede affghenerzyd mýt detm(er) hornes ky(n)de(re)n // in
deme kote is tu ghe uallen martine . It(em) de stede af ghenerzyd myt below / in deme kote de halue is
tugheuallen herme(n)ne . vn(de) de and(er)e . dat is vornoghet / It(em) wes hinryke tu ghe vallen is .
vor sýn andeel . dat is rede ghúd . vn(de) rede / penni(n)ghe . vn(de) ok an schult dat ghe reket is .
alzo ghúd alz sostehalfhundert / m(a)rk dar heft he eren bref vp . bezeghelt myt eres vader jnghezeghele
/ clawes platen . vn(de) myt hinryk radeken de ere zuster heft . wúrde em de / schult nicht betalet alzo
de bref jnne heft . edder synes gheldes jených brok / dat scholen . vale hermen . albrecht . merten
vn(de) jacob vorbe(nome)t een jewelyc / van sýneme andele . ghúdes allyke vele hinryke ereme
brude(re) betalen . It(em) wes / hir bouen is . an zolte an schúlt an redeme beweghelkeme ghude . des
heft een / jeglýc sýn andel tú ener noghe . sunder den . holt howe . tu dreuene wen dat / tu m(a)rkede
kúmp . dar is jewelkes andel allyke ghúd . aldus hebben syk / de vorbe(nome)d(e) müder vn(de)
brudere entweý ghe schýchtet /